



Inuussutissarsiornermut, Suliffeqarnermut Inuussutissarsiutinullu ilinniartitaanermut Naalakkersuisoqarfik  
 Naalakkersuisoq  
 Landsstyremrådet for Erhverv, Arbejdsmarked og Erhvervsuddannelser  
 Landsstyremedlemmet  
 Ministry of Industry, Labour and Vocational Training  
 The Minister

Inatsisartunut ilaasortaq Lene Knüppel  
 /maani

### § 36 malillugu apeqquteqaat Inunnik isumaginninnermut naammagittaalliortarfiup suliassanik sivisunaarivallaartarnera pisinnaatitaaffimminillu atueriaasia pillugit il.il.

3. marts 2008  
 j.nr. 40.70

Naalakkersuisut 8. februar 2008 Naalakkersuisunut Inatsisartut aqutsinermi mallittarisassaanni § 35, imm. 1 malillugu Isumaginninnermut Naammagittaalliortarfiup suliassanik sivisunaarivallaartarnera pisinnaatitaaffimminillu atueriaasia il.il. pillugit Naalakkersuisut tigusimavaat.

Postboks 1601  
 3900 Nuuk  
 Oq/tel +299 34 50 00  
 Fax +299 32 56 00  
 ip@gh.gl  
 www.nanoq.gl

Apeqqutigivat qanoq iliurluni Isumaginninnermut naammagittaalliortarfiata suliassanik isumaginninnermini piffissaq sivikinnerusoq atorsinnaalersinnaaneraa, Naalakkersuisut 10. september 2007 § 36 malillugu apeqquteqaatinnut akissutaat 31. august 2007-imeersoq malillugu.

Tulliuttumi apeqquteqaammi saaffiginnissutigisanni sammineqartut ataasiakkaat, Naalakkersuisoqarfimmi suliassat uannut nuunneqarsimasut nassuiaateqarfigissavakka:

*1. Naalakkersuisut akissuteqaamminni nalunaarutigaat, suliassat 497-it 1. september 2007 suliarineqarnissaminnut utaqqisimasut. Ullumikkullu suliassat qanoq amerlatigisut suliarineqarnissaminnut utaqqippat?*

Akissut:

Suliassat 456-it. Suliassiissutillu ima agguataarsimapput:

#### Killiffimmut naliliineq: 1. Februar 2008

01 - soraarnerussutisiaqarneq	90
02 - meerartaarneq	9
03 –pisortatigut ikiorsiineq	144
04 - Nalileriikkanik/suliffeqarnermi tapiissutaasartut	8
05 – Meeqqanut Inuusuttunullu	27
06 - Innarluutilinnut	102
07 – Meeqqanut tapiutit	22
08 – Ineqarnermut qulakkeerinnissutit	4
09 – Uersakkanut akiliutissat	6
	<b>412</b>

Naammagittaalliutit januar 08 suli inissinneqarsimanngitsut 44

**Naammagittaalliutit 1. februar 2008 tamarmiusut 456**

*2. Naalackersuisut akissuteqaamminni paasissutissiipput suliap ingerlanneqarnera qaammatit 24-it missiliortaraat. Maannakkut isumaginninnermut naammagittaalliuteqartarfimmi suliassat qanoq sivisutigisumik ingerlanneqartarpat?*

Akissut:

Suli allanngorani maannakkut suliassat qaammatit 24-it missiliortugit ingerlanneqartarput. Suliassat meeqqat arsaarinnissutigineqartariaqalernerannut paaqqinnittussanilluunniit arsaarinnissutissanut tunngasut siulliunneqartarput, suliassallu taakku qaammatit 2-3-t ingerlanneqarsinnaasarput.

*3. Naalackersuisut isumaqarnerput taama sivisutigisumik suliarinnittarnek innuttaasunit akuerineqarsinnaasoq?*

Akissut:

Naamik. Naalackersuisut suliap ingerlanneqartarneranut atorneqartartoq akuerineqarsinnaanngitsumik sivisussuseqartarsoraat.

*4. Naalackersuisut akissuteqaamminni nalunaarutigaa Naalackersuisut isumaqataasut, Naammagittaalliortarfimmi ikiortissaminnik amerlanerusunik pisariaqartitsisut. Naalackersuisut Naammagittaalliortarfik sutigut tapersiiffigisariaqarnersoq aalajangiiffigereersimappassuk sutigut ikiorsiisariaqarnersoq akuerineqarsinnaanngitsumik sivisussusilimmik suliarinnittarnerat sivikillilerniarlugu?*

Akissut:

Naalackersuisut ukiakkut 2007-imi Danmarkimi Naammagittaalliortarfimmut isumaqatigiissuteqarput naammagittaalliortarfiup suliarinnittarneranut sivikillisaataasinnasumik ikioqqullutik. Naammagittaalliortarfiup pisortaqarfiata inatsilerinermi fuldmægtigiusoq januar 2008-miit qaammatini pingasuni nunatsinnut inissikkallarsimavaa sulilu marts 2008-miit qaammatini pingasuni inaatsilerinermi fuldmægtigi inissimasussanngorlugu. Naammagittaalliortarfiup Naammagittaalliortarnermut Pisortaqarfimmit annerusumik ikiorsertariaqarnerlutik oqaloqatigissutigerusuppaat. Nalilerneqarpoq naammagittaalliortarfimmut aningaasaliissutit naammanngitsut. Inuussutissarsiutinut Naalackersuisoqarfiup il.il. peqatigalugit, ataani taaneqartut Siunnersuisoqatigiinnut Ataatsimiititanullu Pisortaqarfiup, taassumalu maannakkut ataaniippoq ikiorsiisarnermi Naammagittaalliortarfik, - misilinniarlugu Naammagittaalliortarfimmi ataqatigiinnerusumik ingerlasoqarsinnaanersoq – tamakkulu naammasiniarlugit aalajangiunneqaqqammerpoq allaffimmi pisortamik inuttassarsiuiarluni februar 2008 naatinngu. Atorfik taanna aveqatigiiffigineqassaaq Sulilluni Ajutoorsimanermut Ataatsimiititamiit Ikiorsiisarnermi Naammagittaalliortarfimmiillu.

Tassungalu ilannguttariaqarput, inatsilerituumut inatsilerituunulluunniit atorfiit ikiorsiisarnermi Naammagittaalliortarfimmi Naammagittaalliortarfiup Pisortaqarfianit atukkiunneqassappata, tamanut ammasumik inissarsiortarnermi inissaqartitsiniassagutta il.il. maannakkumut aningaasaliissutaasimasunut oqimaassa-qimmata.

*5. Maannakkut Ikiorsiisarnermi Naammagittaalliortarfimmi inuttaqarniarneq qanoq ingerlava, Naalackersuisullu qanoq pilersaaruteqarpat?*

Akissut:

Naammagittaalliortarnermi ataatsimiititaq, nunatsinni akisussaataasut allat assigalugit, ajornartorsiutigaa inatsilerituunik atorfeqartitsiniarneq. Inatsilerituuttut atorfiit marluk allatseqarfimmi oqaatigineqareersutut ukiortaartinnagu atorfinitsinniarneqaralarput. Atorfinnulli taakkununga qinnuteqartoqarsimannigilaq.

Naammagittaalliortarfiup allatseqarfiani maannakkut inatsilerituumik atorfeqartoqanngilaq. Allaffimmi ikiorteqarpugut. Marsip aallaqqaataaniit inatsilerituuttut fuldmægtigi Nunatsinni pisortaqarfimmut qinnuteqarsimagaluartoq atorfinitsinneqartussaavoq, taannalumi akuersisimavoq ataatsimiititap allatseqarfianut atortinneqassalluni.

Naammagittaalliortarfiup allatseqarfia 1. februar 2008-miit Unammilleqatigiinnermut Kalaallit Nunaannilu Atuisut Siunnersuisoqarfiata ataatsimut allatseqarfiannut nuunneqarsimavoq Inuussutissarsiutinut, Suliffeqarnermut Inuussutissarsiutinullu Ilinniagaqarnermut Naalackersuisoqarfiup ataanut. Nalilerneqarsimavoq, Ataatsimut allatseqarfimmi ataqatigiissitsisoqarsinnaasoq allatseqarfiup suliassanik naammassinnilluarnerulernissanut.

*6. Naalackersuisut takorloornerpaat, Ikiorsiisarnermi Ataatsimiititap inissisimanagera pinnaatitaaffiilu kommuunini aaqqissuusseqqinnikkut allannguuteqassasut? Taamaassimassappat sutigut soorlu?*

Akissut:

Naalackersuisut nalilerpaat, iluarsartuusseqqinnermut atatillugu inissaminiissasoq pisariaqassallunilu Ikiorsiisarnermi Maalaaruteqartarfimmut periarfiusinnaasut nalilersuiffigeqqissallugit.

Naalackersuisut isumaqarput, maalaaruteqartarfiup suliassarpiarigaa innuttaasut pinnaatitaaffimminnik qulakkeerunneqarnissaat. Ikiorsiisarnermulli tunngassuteqartut ineriartornerisa kingunerisimavaat naammagittaalliutaasut maalaaruteqartarfimmut apuuttartut amerliartuinnarnerat, taakkulu ataanni kommuunit Namminersornerullutik Oqartussallu akornanni pisussaaffiit agguataarneqarnerat. Tamanna pingaartumik innarluuteqartunut tunngasutigut maannakkorpiaq attuumassuteqarpoq.

Naalakkersuisut isumaqarput, ikiorsiisarnermi inatsiliornikkut naammagittaalliorsinnaaneq misissorluartariaqartoq, innuttaasut inatsisitigut pisinnaatitaaffii qulakkeerneqarlutillu nukittorsarneqassammata, aappaatigullu qulakkiissallugu, isumaqatigiinngissutaasunut pisortat aningaasatigullu nammaqatigiinnissap akornanni asulersuaq nukinnik atuisoqannginnissaa.

Naalakkersuisut aamma eqqarsaatigaat, ikiorsiisarnermi suliassiissutigineqartartut ilaat allaffissornikkut aqputissiuunneqarsinnaannginnersut. Allaffissornikkut periarfiusinnaasutut nalilerneqarpoq kommuunit iluarsaaqqinnerup kinguneranit nukittorsarneqarpata piginnaaneqarfigineqarnerulertussat.

*7. Naalakkersuisut allatigut paasissutissiisinnaanerpat Ikiorsiisarnermut Maalaaruteqartarnermut ataatsimiititaliami suliat sivisusarnerannut tunngassuteqartumik?*

Akissut:

Oqaatigisinnaavarput, Nuummi Niuernermik Ilinniarfimmi periarfissiissutigineqarmat inatsilerituutut suliassat suliarineqartarnerannut ilinniarfiusinnaasumik. Tassani siunnerfigineqartut tassaapput, ilaatigut kommuunini suliassanik suliarinnittuusut, taakkulu HK/TNI-mik ilinniagaqarajupput. Ungasinnerusoq eqqarsaatigalugu takorloorneqarpoq iluaqutaajumaartoq, naammagittaalliutaajumaartunik aalajangiisarnissaagaluanut, aamma tassani Isumaginninnermi Naammagittaalliortarfimmi pissutsit eqqarsaatigalugit.

Neriutigaara naammaginartumik akisimassallunga, naak annertoorujussuarmik iliuuseqartoqaqqaartariaqaraluartoq pineqartuni naammaginartumik iliuuseqassalluni.

Ikinngutinnersumik inuulluaqqusillunga

Siverth K. Heilmann  
Naalakkersuisunut ilaasortaq